

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2022

■ **Sevedstorp, Svedia:** Plus svedese que isto il non pote devenir. Iste tres casas in Sevedstorp – circa 100 km est de Jönköping in le region Småland – ha ganiate fama mundial, gracias al grande autor svedese Astrid Lindgren (1907-2002). Le Ferma del Nord, le Ferma Medie e le Ferma del Sud es le casas ubi vive le septe infantes cognoscite ab le citate Bullerbyn. Sevedstorp esseva le urbe de infantia del patre de Astrid Lindgren. Quando on visita le loco, on ben recognosce le casas ab le duo films ab 1986-1987 in le stilo svedese si typic que le germanos parla del “syndromo de Bullerby” – un sentimento que appare quando il ha un imagine tanto idyllic de Svedia. *Texto: Thomas Breinstrup, photo: M W, Pixabay*

Questiones

1. Proque es exactamente iste tres casa sur le photo si famose?

2. Qui esseva Astrid Lindgren?

3. Quante infantes vive in le tres casas in su libro?

4. Explica que es le “syndromo de Bullerby”.

5. Crede tu que le photo es idyllic? Explica proque – o proque non.
